

պէտքին: Պ. Եռանդուն փափաքեր է որ այդ կալուածը իր անուանը վրայ չըլլայ:



ՊԱՐՍԿԱ ՀԱՅՔ

ՏԵՂԵԿԱԳԻՐ

ԹԱԻՐԻՉԻ ՀԱՅՈՅ «ԱՐԱՄԵԱՆ ԵՒ Ս. ԱՆՆԱՅԵԱՆ» ԵՐԿՍԵՈՒ
ԴՊՐՈՅՆԵՐԻ 1901—1902 ուս. ամի.

Ա.

1901—2 ուս. տարուայ մէջ Արամեան և ս. Աննայեան երկսեռ դպրոցներում պարագմունքներն սկսուել են սեպտ. 3-ից, և 11-ից կանոնաւորուելով՝ տեւել մինչև յունիսի վերջը. դպրոցական օրերի թիւը եղել է 165:

Տարուայ սկզբին Արամեան դպրոցում կային 111 աշ., նոր ընդունուեցան 34, որով եղան 145 աշ. ս. Աննայեան դպրոցում կային 81 աշակերտուհի, նոր ընդունուեցան 17, որով եղան 98 աշակերտուհի. այսպէս երկսեռ դպրոցներում կային 243 աշ. և աշակերտուհի. զրանցից տարուայ ընթացքում զանազան պատճառներով կամովին հեռացան 7 աշ. և երկուսը վախճանուեցան, որով տարուայ վերջին կային 234 աշ. և աշակերտուհի:

Բացուեցաւ այդ տարին Ե. դասարան լիակատար ծրագրով, ուստի և Արամեան դպրոցն 3 ստորին բաժանմանց հետ ունէր 5 հիմնական դաս, իսկ ս. Աննայեան դպրոցը նոյնքան ստորին բաժանմանց հետ ունէր 3 հիմնական դասարան. զրանցից առաջին բաժանմունքներն ըստ առաջնոյն միացած էին և օրիորդաց Բ. ու Գ. դասարանները մի սենեակում էին, որով 14 դասարան կար 12 սենեակում:

Ահա աշակերտների և աշակերտուհիների տեղաւորութեան ու յառաջադիմութեան ցուցակը:

Արամեան դպրոց

ս. Աննայեան դպրոց.

	Աշակերտ.	Փոխուսուցան.	Մնացիմ.	Արձակ.	Աշակերտուհի.	Փոխուսուցան.	Մնացիմ.	Արձակ.
I.	14	10	7		14	13	3	1
II.	24	18	6		16	11	5	
III.	25	14	6	5	20	15	5	
Ա.	23	15	8		20	14	6	
Բ.	21	18	3		13	7	6	
Գ.	11	11			10	10	Աւուրս.	
Դ.	11	9	2					
Ե.	6	6	Աւուրս.					
	138	101	32	5*	96	70	25	1

Արամեան դպրոցն աւարտեցին 6 աշակերտ, իսկ ս. Աննայեան դպրոցը՝ 10 աշակերտուհի: Մինչև տարուայ վերջը յաճախող 234 աշ. և աշակերտուհուց յաջորդ դասարան փոխադրուել ու աւարտել են 171 ($73\frac{0}{10}$) և մնացել 57 ($24,3\frac{0}{10}$):

Բոլոր (243) աշակերտներից և աշակերտուհիներից 155 թոշակաւոր էին (ժողովուած է 1072 թուման) և 88 ձրիավարժ, որոնցից տասը որդեգիր էին հանդ. Մն. Տէր Յակովբեանի: Թաւրիզի Հայուհեաց բարեգործական միացեալ ընկերութիւնը հոգաց 21 աշ. և աշակերտուհու համար հաղուստ, իսկ Դպր. — Բարեսիրական ընկ.՝ 34 աշ. և աշակերտուհիների դասական պիտոյքը:

Ըստ ծննդավայրի 180 Թաւրիզից էին, 29 Լիւլաւարնակ 43 Ատրպատականի այլ մասերից և 20 հեռաւոր նահանգներից ու այլ երկրներից:

* 5 աշ. և 1 աշակերտուհի արձակուել են անընդունակութեան կամ վարքի պատճառով:

Մնողաց պարապմունքներին նայելով հետևեալ կարգերի էին բաժանուում.

Վաճառականների	գործակատարների ու մանրավաճառ- ների որդիք էին	117 կամ	43,10 ⁰ ₀
Արհեստավորների	« »	58 « »	24,20 ⁰ ₀
Երկրագործների	« »	16 « »	6,20 ⁰ ₀
Սղեվաճառների	« »	15 « »	6,10 ⁰ ₀ և չն.

1901—2 ուս. տարուայ մէջ, դասերից դուրս ևս աշա-
կերտելոց մտաւոր կրթութեան ու բարոյական դաստիարա-
կութեան նպաստելու համար 1) դաստիարակներն ուղեցոյց
են եղել ընթերցանութեան և շարաթը մի դաս կամովին
պարապել ընթերցանութեամբ. այդպիսի դասերի թիւը տա-
րուայ մէջ եղել է 300. 2) հիմնական դասարանների, դաս-
տիարակների ղեկավարութեամբ տեղի են ունեցել 5 զրակ-
երեկոներ. զրանցից առաջինը նուիրուեցաւ հանգ. Ա. Գ. Երի-
ցեանի յիշատակին, երկրորդը՝ Վ. Ա. Պայեանին նրա. զրակ-
գործունէութեան 25-ամեակի առթիւ. 3) կատարուել են
հանգէսներ՝ ս. ս. Վարդանանց, Լուսաւորչի ու Թադէոս
և Բարդուղիմէոս առաքեալների անիւրին:

Բ.

Անցեալ տարի ուսուցչական խումբը կազմուած էր հե-
տևեալ 15 անձերից.

1. Ալէքսանեան Ա. Բ. տեսչութեան հետ հանրահաշուից
ու երկրաչ. . . 9 դաս. (առձիկ 485 թուման)
2. Պ. Աղաջանեան Գ. Բ. աւանդում է Հայոց լեզու, գրու-
թիւն . . . 28 դաս. (առձիկ 250 թում.)
3. » Բժշկեան Վ. Բ. աւանդում է բնակ. գիտութիւններ ու
թուար. . . 26 դաս. (առձիկ 285 թում.)
4. » Գասպարեան Ս. Բ. աւանդ. թուարանութիւն 16 դա-
սով, նաև վերականգն. . . (առձիկ 170 թում.)
5. » Խանազատեան Թ. Բ. սկսել է սեւցա. 20-ից Ռուսերէն,
կենդանար. 27 դաս. . . (առձ. 260 թում.)

6. Պ. Մաքսուդեան Յ. աւանդ. Հայոց լեզու, Ս. Գրոց ուսումն և գրութիւն 28 դաս. (առձ. 240 թում.)
7. Սեւ. Ջհանեան Արր (երթեկ) անգլերէն 6 դաս. (առձ. 65 թում.)
8. Յարութիւնեան Յ. (քարտուղար) Հայոց լեզու, գրութիւն 28 դաս. . . . (առձ. 26) թում.)
9. Շահբաղեան Արտ. աւանդ. Հայոց պատմութիւն ու գրականութիւն, կրօն 27 դաս. (առձ. 240 թում.)
10. Չիթախեան Արշ. աւանդ. Հայոց լեզու, ձայնագրութիւն, խմբապետութեամբ, 28 դաս. (առձ. 220 թում.)
11. Չիլինկերեան Գ. աւանդ. Ֆրանսերէն ու պատմութիւն 21 դաս. . . . (առձ. 245 թում.)
15. Մ. Սադրղ Խ. աւանդ. Պարսկերէն 14 դաս. (առձիկ 90 թում.)
13. Պ. Տէր Յովհաննիսեան Ն. աւանդ. Ընդհ. աշխ. գծագրութիւն, կրօն և լին 28 դաս. (առձ. 200 թում.)
14. Տիկին Խարրի Հ. աւանդ. ձեռագործ ու կար 10 դաս, նաև վերակացու (առձ. 180 թում.)
15. Պ. Օհանեան Գ. աւանդ. կրօն ու երգեց. (II—III) 12 դաս. նաև վերակացու (առձ. 100 թում.)

Բոլորեքեան միասին պարապում էին շաբաթական 315 դաս, որով ամբողջ տարուայ մէջ աւանդուել է 9351 դաս, առանց հաշուելու միացեալ (4) ու վերոյիշեալ ընթերցանութեան դասերը, ինչպէս և խմբական երգեցողութեան ու մարմնամարզական պարապմունքները: Հիւանդութեան ու այլ ստիպողական պատճառներով բոլոր ուսուցիչները բացակայել են 319 դաս, աւելորդ պարապել են 58 դաս, որով շարաւարած դասերի թիւն է 261:

Մանկավարժական խորհուրդը ունեցել է 33 նիստ, որոնց մէջ խորհրդակցութեան նիւթ են եղել 1) նորեկներին ընդունելութիւնը, 2) գրականական երեկոններն ու ազգային եկեղեցական տօները, 3) ծրագրի բարեփոխութիւնը, 4) աշակ. գրասեղաններին հարցը, 5) համազգեստի ընդհանրացում, 6) փորձնական դասեր (թուով 8 անգի ունեցան),

7) ընթերցանութեան ղեկավարութիւնը, 8) քննութիւններ (թուով 10 — բարձր գասարաններում), և ինչ:

Մանկական գրադարան

Անցեալ տարի մանկական գրադարանը նուէր է ստացել 100 կտոր գիրք, որով առ 1 սեպտ. 1902 ամի կար 706 կտոր գիրք, բայց պարբերական հրատարակութիւններից: Սոյն գրադարանի միջոցներով առաջ գնուած էին և բնագիտական գործիքներ (պ. Համբ. Թումանեանն անցեալ տարի նուիրեց ելեքտրականութեան վերաբերեալ գործիքներ) և կրկին գնուեցան. ահա այդ հաշիւը.

Մ ու Տ Բ

1900 — 1 թ. մանկ. գրադարանն ունէր	462 զան.	25 կ.
1901 — 2 թ. պ. Ար. Շահբաղեանից Աշոտ վարդ. ի ձեռամբ ժող.	100 »	
Թաւրիզի Հայ. Բ. Մ. Ընկերութիւնից	70 »	
Պ. Դ. Կարապետեանից (Փարիզից)	66 »	52 կ.
Աշ. ու աշակերտութիւններից	67 »	
Վաճառած 2 կտոր	12 »	
Պարաբ գրադարանի ստացուած	263 »	90 կ.
	1041 »	67 կ.

Մ ա Խ Բ

Փարիզ գնած բնագիտական գործիքներ (300 թր.) ճանապարհի ու այլ ծախքերով	811 »	37 կ.
Պահարան բնագիտական գործիքների	100 »	
Մանր ծախք	1 »	30 կ.
	1041 »	67 կ.

Անցեալ տարի ստացուում էին Արարատ (նուէր պ. Թ. Թումանեանից), Անահիտ (բժ. Ասլանեանից) և Լոյս (հրատարակիչ):

Ա. Բ. Ալեքսանեան.